

Aliud Ænigma ejusdem.

**Q**uænam sunt, quæ non inveniuntur in hoc mundo?

Respondet Beda in collectaneis, *Septem sunt, quæ non inveniuntur in hoc mundo; vita sine morte, juvenus sine senectute, lux sine tenebris, gaudium sine tristitiâ, pax sine discordiâ, voluntas sine injuriâ, regnum sine commutatione.*

Ænigma Plauti in Truculento.

Neque vivens, neque mortuus sum, neque quid nunc faciam scio, neque ut hinc abeam, neque ut hunc adeam, scio.

R. Timore torpeo.

Ænigma Platonis.

Vir non vir, videns, non videns, lapide non lapide, percussit avem non avem, sedentem super arborem non arborem.

R. Est Eunuchus luscus, qui pumice percussit Vespertilionem sedentem super sambucum.

Ænigma Alexidis de somno.

Non mortalis, neque immortalis, sed habens quoddam utriusque temperamentum, ut neque hominis parte vivat, neque Dei, sed nascatur semper.

Ænigma de Somnio.

Sponte meâ veniens varias ostendo figuras,  
Fingo metus varios nullo discrimine veri,  
Sed me nemo videt, nisi qui sua lumina claudit.

Ænig-

**Ænigma Phœnicis apud Symposium.**

Vita mihi mors est , morior si capero nasci ,  
Sed priùs est fatum , lætæ quàm lucis origo :  
Sic solos Manes ipsos mihi dico parentes.

Aliud ad Phœnicem.

Nec sum , nec non sum , morior simul atque re-  
nascor ,

**S**umque mihi lethi & redeuntis imaginis author.

**Ænigma Plauti.**

Vivos homines mortui incurfant boves.

Aliud Ænigma.

Tria animalcula post mortem omnibus im-  
perant , quam sunt illa ?

*R.* Sunt *Anser* in penna , *Ovis* in membra-  
nâ & *Apis* in cerâ sigilli ; nam ex his **Decreta**  
**Principum** conficiuntur.

**Ænigma de Viperâ.**

Dum visis morior , moreris dum vipera , vivo :

Perpetuò ut vivam perpetuò morere.

**Ænigma Myrrhæ.**

De lacrymis & pro lacrymis mea caput origo ;  
Ex oculis fluxi , sed nunc ex arbore nascor ,  
Lætus honor frondis , tristis sed imago doloris.

**Ænigma Navis.**

Viva fui , vivos pavi , nunc mortua curro.

Curro super vivos , damna nec ulla fero.

**Ænig-**

NB. CCCCL  
fuit in anno.

*Ænigma de Mundo.*

Nectenabo Sophista Regis Ægypti sequens  
*Ænigma* proposuit Æsopo. Est templum  
magnum, & in ipso columna duodecim ha-  
bens urbes, quarum qualibet triginta trabibus  
sustinetur; has verò trabes duæ circumfunt mu-  
lieres.

R. Templum est mundus, columna verò  
annus, urbes menses, trabes autem dies, &  
mulieres ipsæ dies & nox.

*Ænigma de anno.*

Albinus Flaccus disputans cum Pipino Ca-  
roli magni filio dicebat: Quid est annus?  
Quadriga mundi. Quis ducit? Nox & dies,  
frigus & calor.

Quis est auriga ejus? Sol & Luna.

Quot habet palatia? Duodecim.

Qui sunt Prætores Palatiorum?

Sunt Aries, Taurus, Gemini, Cancer, Leo,  
Virgo, Libraque, Scorpius, Arcitenens, Ca-  
per, Amphora, Pisces.

*Ænigma de diebus Anni.*

Sume caput Venti, Xerxis caput adde, ge-  
menti

Deme caput Lauro, Tria C quoque pingito in  
auro.

NB. CCCLXV. facit 365. dies, quot  
sunt in anno.

*Ænig-*

*Ænigma de Sole.*

Quale animal dic esse putes, quod mobile totum

Est oculus, neque pars præterita ulla manet:

Quotidie gignit natum, sine matre creatum,

Qui tamen unâ ipsâ hâc interit ille die.

Cujus item Soror absente est genitore creata,

Partita imperium Fratris & interitum.

ita Pontanus volum. 3. Progym. p. 1. cap. 41.

*Aliud de Sole.*

Nil equidem video, per quem videt omnia tellus

*Ænigma de Lunâ & lunationibus.*

Est unus Genitor, cujus sunt pignora bis sex,

His quoque triginta natæ, sed dispare formâ,

Aspectu hinc niveæ, nigris sunt vultibus inde,

Sunt immortales omnes, moriuntur & omnes.

Explicatio. Genitor est Luna, pignora bis sex

sunt duodecim menses; triginta Natæ sunt tri-

ginta lunationes, quæ de die sunt albæ, de

nocte autem nigræ, Sunt immortales quoad

speciem, moriuntur autem quoad individuum.

*Ænigma Theodectis de Nocte & Die.*

Duæ sunt Sorores, quarum una parit alte-

ram, & ipsa quæ genita est, gignentem in-

terimit, gignitque alteram, à quâ & ipsa in-

terimitur.